

出堂頌  
回靜默堂

靈寶領教齊度金書卷之一百十九

靈寶領教齊度金書卷之一百二十

洞微高士開光啟者真人等金真授

靈寶通玄弘教水南先生林靈真編

科儀立成品五鍊生尸齋用

晚朝行道儀

燒香頌

各禮師存念如法

五星高耀 瑞炁飛浮 元始集神 天地交周  
玉符寶節 嘯命微幽 擲火揚威 奸凶無留  
萬魔振伏 紛絕卻消 摧怪伐惡 道炁周流  
神光照夜 陰翳俱收 萬仙降格 扇景乘颺  
群生咸遂 惠遍神州 和與道合具

鳴法鼓二十四通

无上三天玄元始三炁木上道君召出臣等  
身中三五功曹左右官使者侍香金童傳言  
散花玉女五帝直符直日香官各三十二人  
出出者嚴裝關啓玄壇天帝君當召此闕土  
地星域真官正神急上關啓臣今奉為入齋  
意以今落景隆壇行道願得玉清道炁靈寶  
妙光下降流入臣等身中令臣所啓之誠速

達徑御

太上元極大道至真玉皇上帝御前

請稱法位

具位臣某與臨壇官眾等謹同誠上啓  
虛元自然元始天尊元極大道太上道君太  
上老君高上玉皇十方已得道大聖眾至真  
諸君丈人三十二天帝君玉虛上帝玉帝大  
帝東華南極西靈北真玄都玉京金闕七寶  
瓊臺紫微上官靈寶至真明皇道君三十六  
部尊經玄中大法師上相上宰上保上傳太  
平下教二十四真人西城總真王君大元真  
人東嶽上卿司命茅君定錄保命二真人名  
山洞府得道神仙三界官屬一切真靈臣聞  
玄元授道分三洞以流光靈寶傳經周十華  
而散彩溥鑲玉裁金之妙示風纏雲絡之玄  
十部飛天仰中乘於微妙五篇鎮地翊上士  
於希夷實由仙聖之心傳寶賴真靈之曲授  
通遐感類幽顯均資臣等知白心紆探玄志  
鬱煙霞獨嘯未藏林岫以怡神日月同流入  
混樊籠而津性懼尚繫於玄律莫慨於丹

書證誓丹青霄天補過徽盟金石勵志立功  
勉勳行之早圖副勳修之素志凡有投告敢  
不上聞

宣詞

按如詞旨備切忱恂臣聞五鍊生尸鎖形骸  
於陰域萬神返炁合魂魄於陽宮超骨肉而  
長嘯青冥全音容而飛登碧漢如夢之覺數  
百載恍若等閑若醉之醒歷千年殆猶頃刻  
經彰妙應事載奇文今恭夙植慶基生逢昌  
運瑤壇鳳祀曾振復以高躋瓊笈龍函久摺  
衣而朗咏未教良効莫榮奇勳連爾終朝徒  
有乘農之想溘然一旦倏為積夜之遊生死  
既睽升沉斯速孝子其恩深鞠育誠切薦修  
弟子其等分同父道宿佩師恩悵天高以難  
升恨地迫而莫問百骸忍死五內無生雖玄  
造包容宜錫靈光而接引奈黑鬱沈寂懼淪  
陰翳以沉埋非沛澤於高穹曷登具於厚土  
爰崇藥笈肅建芝壇遍滅度鍊尸之科修空  
洞升神之典播花搖曳借尺地以球鳴旌葆  
蕙蕙露寸天而立風雲會合水月交羅瞻

妙相於玉毫觀神輝於金彩碧霞旋絡重輝  
翼翼之小心紫霧翮翻仰叩巍巍之大梵為  
亡故恭返還祖炁辟斥陰塵為金闕之良臣  
侍玉皇之香案以今晚朝陞壇行道請法眾  
等運茲初捨上香

願此香煙騰空徑上供養

无上至真道寶臣等皈身皈神皈命首體投

地仰依

太上三尊願以是功德上祝

社稷尊靈宗祧先聖伏願天關睿妙宸闕登

真驂玄駟而榮璫臺神超渺渺駕彩鸞而升

瓊圖烝入玄玄延寶曆於千年陰璇源於萬

葉歌九功而俗臻大定舞七德而化洽平康

今故燒香自皈依

師尊大聖眾至真之德得道之後保天長存

和與道合真

以今晚朝陞壇行道請法眾等運茲二捨上

香

願此香煙騰空徑上供養

无上至真經寶臣等皈身皈神皈命首體投

地仰依

太上三尊願以是功德歸流亡故其業網倖  
張寬輪息運宋陵度命無拘留逼合之憂黑  
羽升神有侍衛送迎之喜超陽清於萬載脫  
陰濁於一朝垂燕翼而詩禮說說攀龍鱗而

弘歌眾家今故燒香自皈依

師尊大聖眾至真之德得道之後升入無形

和與道合真

以今晚朝陞壇行道請法眾等運茲三捨上

香

願此香煙騰空徑上供養

无上至真經寶臣等皈身皈神皈命首體投

地仰依

太上三尊願以是功德歸流臣等三師四友

五族六親伏願道德妖情中和悅性壽基永

茂鍊龍虎於假月之爐福社長開育鳥兔於

明霞之館既往者書名紫榮見在者紀善青

編永遊宴於天和獲優閑於地樂今故燒香

自皈依

師尊大聖眾至真之德得道之後長享自然

和與道合具

禮方

禮方

三啓

三禮

重稱法位

三一

具位臣某與臨壇官眾等謹重誠上啓

虛元自然元始天尊元極大道太上道君太上老君高上玉皇十方已得道大聖眾至真諸君丈人三十二天帝君玉虛上帝玉帝大帝東華南極西靈北真玄都玉京金闕七寶瓊臺紫微上宮靈寶至真明皇道君三十六部尊經玄中大法師上相上宰上傳上傅太上平下教二十四真人西城總真王君太元真人東嶽上卿司命茅君定錄保命二真人名山洞府得道神仙三界官屬一切真靈巨闡函三御炁超萬物以標音得一分靈稟五行而毓秀涉世人推於後傑濟時天錫於英雄皆上帝加賴以行道之權故下民容會其修真之迹况身奉三洞未合却老延齡之方致

舉瘞九原徒羨變化更生之術尤蒙眷軫曲賜扶持今亡故某夙慕真宗久奉正教幾侍虛元之座獲依妙有之輝降真召靈久頌玉簡飛元會道屢咽金符何大教之難逃致餘生之易滅五方禁衛期肢體以無傷九域護持使形神而再合獲登妙境可脫塵緣尚慮積劫以來有生之後劫塵滓性隨五賊以飛奔世網縈心依六淫而流蕩虧忠孝而賤名檢輕仁義而叛綱常禱雨祈晴莫遵玄律驅魔誡崇弗守丹章靜無功行之堪書動有寬愆之可錄羊腸岐路常萌戒謹之心蟲臂功名每逞貪高之念惟思趁下罔識受中致明涉於是而非而幽罹於鬼責天年修殞既陽城之永辭地禁忽逢虛陰關之或繫匪拜恩書於帝闕易消刑籍於冥曹壇建十門歸誠十極階崇三級請命三元所冀彩鳳啣來金雞飛下罪無大小均冰釋於丹書過有顯微悉風清於黑簿孟離澤聖高靈虛玄登劫仞而身刷驚班觀鬱羅而神升蟄祀永陟真仙之列克為聖皇之臣天上仙官遵德音而珥衛

地下今長體道首以護持俾運會以倣途使形神之再邁飛行碧落宴坐清都蒙旌萬一之折九佩再三之造上願三光高耀四氣朗清八海澄輝五山靜彩犬無夜吠息烽燧於疆陲風有朝鳴動犁鋤於隴畝萬姓謳歌而齊躋壽域兆民鼓舞而俱宴福鄉竭息跂行各全生意翊翹蠢動均樂化機五道停闕三塗清澁則上明

天尊大慈之化下副臣等皈命之誠謹啓以聞

舉願

一願大道流行普天懷德二願一切有生成皆悟道三願九夜幽魂一時解脫四願孤真無依咸得受生五願天下太平五穀豐熟六願臣忠子孝君仁父慈七願四海通同究親和釋八願潛胞處卵咸得生成九願積疾新疴旋即痊愈十願孤露衆生豐衣足食和與道合具

存神燒香

香官使者左右龍虎君侍香諸靈官當令臣

晚朝行道之所自然生金液丹碧芝英百靈  
衆真交會在此香火爐前令臣學道得道求  
仙得仙齊主受福幽顯沾恩十方仙童玉女  
侍衛香煙傳臣向來所啓之誠速達徑御  
太上无極大道至真玉皇上帝御前

出堂頌

回靜默堂

靈寶領教濟度金書卷之一百二十

靈寶領教濟度金書卷之一百二十一

洞微高士開光教苦真人塞金具授

靈寶通玄弘教水南先生林靈真編

科儀立成品五錄生尸齋用

謝恩醮儀

衆官序立

陞壇如式

燒香頌

各禮師存念如法

衛靈咒

五靈列位 煥鎮五方 始皇護魂 丹老衛形

皓靈侍魄 黑帝攝生 中央黃帝 統御萬真

元皇誥下 幽夜開光 罪消北府 名列南昌

金錄定籍 玉宇除殃 朱陵鍊質 飛神太蒼

三官九府 无極神鄉 普受開度 上生天堂

和與道合具

鳴法鼓二十四通

无上三天玄元始三炁太上道君召出臣等

身中三五功曹左右官使者侍香金童傳言

散花玉女五帝直符直日香官各三十二人

出出者嚴裝關啓玄壇天帝神君當召此間  
土地里域真官正神急上關啓臣今奉爲入  
齋意以今設醮謝恩願得玉清道炁靈寶妙  
光下降流入臣等身中令臣所啓之誠速達  
徑御

太上无極大道至真玉皇上帝御前

請稱法位

具位臣某與臨壇官衆等謹同誠上啓

聖位 臣聞三洞流光扇仁風於六合九清

演化流慧日於八圓運天地而青澤群靈幹

陰陽而扶持庶品上無復祖疑道炁於鬱羅

中有度人耀靈光於澤壘敷雨露無私之惠

成日月有造之恩今古攸遵幽明共賴今齋

主某伏念亡故某命奄重泉神歸積夜生無

善績學道未契於良機死有惡緣貽責恐招

於深考遂按生尸之典庸修度命之齋期脫

冥曹復還治職幸拜提攜之造釐事慶成曲

垂衣被之恩沉魂飛度輒奉嚴於禱祀庸祇

降於懸游伏望湛露清靈風扇露丹與綠

鞏翻翻齊下於玄虛羽蓋瓊輪絡繹並離於